

Escrito por Redaccion @valminorinfo
Mércores, 26 Febreiro 2014 22:05

-A Coordinadora Comarcal da Marcha Mundial das Mulleres convoca a unha concentración de repulsa polo asasinato de María Luisa Jiménez Jiménez o vindeiro venres 28 de febreiro ás 20 horas no MARCO de Vigo.

María Luisa, de 37 anos, nai de 6 fillos e embarazada, foi asasinada polo seu compañeiro este domingo. "Con ela sumamos outra muller máis na Galiza no que vai de ano, vítima da violencia machista que paga coa súa vida a discriminación e a desigualdade que padecemos todas", denuncian desde a Coordinadora da Marcha Mundial das Mulleres.

As convocantes salientan o seu propósito de "que a indignación de toda a sociedade saia á rúa para rexeitar o cruel asasinato de María Luisa e denunciar a violencia machista padecida polas mulleres e exercida contra elas polo feito de selo".